

Արձանագրություն N 11

Գեներալային բռնության դեմ պայքարի միջգերատեսչական հանձնաժողովի 2015 թվականի հունիսի 16-ի

Օրակարգ

1. Սեռի հատկանիշով բռնության կանխարգելման 2015 թվականին նախատեսված միջոցառումների և դրանց ուղղված աշխատանքների ընթացքի մասին

/ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետի տեղակալ, կանանց հիմնահարցերի բաժնի պետ **Ա.Թանաշյան /**

2. «Պտղի սեռով պայմանավորված հղիության արհեստական ընդհատումների կանխարգելման ծրագիրը» հաստատելու և «Պտղի սեռով պայմանավորված հղիության արհեստական ընդհատումների կանխարգելման ծրագրի» իրականացման նպատակով աշխատանքային խումբ ստեղծելու մասին» ՀՀ առողջապահության նախարարի 08.05.2015 թվականի թիվ N1129-Ա և ՀՀ աշխատանքի և սոցիալական հարցերի նախարարի 13.05.2015 թվականի թիվ N75-Ա/1 համատեղ հրամանի և դրա շրջանակներում նախատեսվող աշխատանքների մասին

/ՀՀ առողջապահության նախարարության աշխատակազմի մոր և մանկան առողջության պահպանման մայրական և վերարտադրողական առողջության պահպանման բաժնի պետ **Գ.Ավագյան/**

3. <<Պտղի սեռի խտրական ընտրության դեմ պայքարի>> ծրագրի ընթացքի մասին

/<<Մարդկային զարգացման միջազգային կենտրոն>> վերլուծական կենտրոնի փորձագետ **Վ.Ասատրյան/**

4. Ելույթներ, մտքերի փոխանակում

Մասնակցեցին

- Ֆ. Բերիկյան** ՀՀ աշխատանքի և սոցիալական հարցերի նախարարի տեղակալ
(հանձնաժողովի նախագահ)
- Գ. Հայրապետյան** ՄԱԿ-ի Բնակչության հիմնադրամի գործադիր ներկայացուցիչ
- Ն. Դուրյան** ՀՀ ոստիկանության ԲՀԳՎ 3-րդ վարչության պետ
- Գ. Ավագյան** ՀՀ առողջապահության նախարարության աշխատակազմի մոր և մանկան առողջության պահպանման մայրական և վերարտադրողական առողջության պահպանման բաժնի պետ
- Մ. Աղաջանյան** ՀՀ կրթության և գիտության նախարարության աշխատակազմի զարգացման ծրագրերի և մոնիթորինգի վարչության գլխավոր մասնագետ
- Գ. Աբրահամյան** ՀՀ տարածքային կառավարման և արտակարգ իրավիճակների նախարարության աշխատակազմի բնակչության պաշտպանության քաղաքականության ծրագրերի և տեղեկատվական հոսքերի կառավարման վարչության աղետների ռիսկի գնահատման և կառավարման բաժնի պետ
- Վ. Ասատրյան** «Մարդկային զարգացման միջազգային կենտրոն» վերլուծական կենտրոնի փորձագետ
- Ա. Գալստյան** «Մարդկային զարգացման միջազգային կենտրոնի» վերլուծական կենտրոնի տնօրեն
- Գ. Արմաղանովա** «Համալսարանական կրթությամբ կանանց ասոցիացիա» ՀԿ-ի ներկայացուցիչ
- Ա. Թանաշյան** ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետի տեղակալ, կանանց հիմնահարցերի բաժնի պետ
(հանձնաժողովի քարտուղար)

Սույն թվականի հունիսի 16-ին տեղի ունեցած Գենդերային բռնության դեմ պայքարի միջգերատեսչական հանձնաժողովի նիստը բացեց ՀՀ աշխատանքի և սոցիալական հարցերի նախարարի տեղակալ, հանձնաժողովի նախագահ Ֆ. Բերիկյանը, ներկայացրեց օրակարգը և խոսքը փոխանցեց ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետի տեղակալ, կանանց հիմնահարցերի բաժնի պետ տիկին Ա.Թանաշյանին՝ **օրակարգի առաջին հարցը** ներկայացնելու համար: Ա.Թանաշյանը հանձնաժողովի անդամներին ներկայացրեց 2015 թվականին նախատեսված աշխատանքները և դրանց ընթացքը, մասնավորապես, անդրադարձավ ՀՀ

կառավարության 2015 թվականի մարտի 26-ի նիստում N13 արձանագրային որոշմամբ հավանության արժանացած «Սեռի հատկանիշով բռնության կանխարգելման 2015 թվականի միջոցառումների տարեկան ծրագրով» և «Կանանց և տղամարդկանց իրավահավասարության քաղաքականության 2015 թվականի միջոցառումների տարեկան ծրագրով» նախատեսված միջոցառումներին, «Սոցիալական աջակցության մասին» ՀՀ օրենքի կիրարկումն ապահովող իրավական ակտերին: Ա.Թանաշյանը կարևորեց մի քանի միջոցառումներ. հանրապետությունում գենդերային քաղաքականության շարունակականությունն ապահովելու նպատակով ՄԱԿ-ի աջակցությամբ իրականացվող «Հայաստանի Հանրապետությունում կանանց և տղամարդկանց հավասար իրավունքների և հավասար հնարավորությունների առկա իրավիճակի վերաբերյալ» ուսումնասիրությունը և ապագա ռազմավարության համար հիմնական ուղղությունների մշակումը, ՀՀ մարզպետարանների համար կանանց և տղամարդկանց հավասար իրավունքների և հավասար հնարավորությունների իրավիճակային գնահատման մեթոդաբանության և «Ընտանեկան բռնության ենթարկված անձանց ուղղորդման ուղեցույցի» մշակումը, որոնք արդեն ընթացքի մեջ են: Նա տեղեկացրեց նաև, որ մշակվել և առաջիկայում սահմանված կարգով շրջանառության մեջ կդրվեն «Կացարանով ապահովելու մասին կարգը և պայմանները սահմանելու մասին» ՀՀ կառավարության որոշման նախագիծը և «Ընտանեկան բռնության ենթարկված անձանց նախնական նույնացման չափորոշիչները հաստատելու մասին» ՀՀ աշխատանքի և սոցիալական հարցերի նախարարի հրամանի նախագիծը, որոնք կտեղադրվեն նաև նախարարության էլեկտրոնային կայքէջում: Ա.Թանաշյանը հանձնաժողովի անդամներին ներկայացրեց նաև կանանց աշխատանքային իրավունքների պաշտպանությանն ուղղված 2015թ. ՀՀ աշխատանքի և սոցիալական հարցերի նախարարության Աշխատանքի և սոցիալական հետազոտությունների ազգային ինստիտուտի կողմից մեկնարկած «Աշխատանքի շուկայում կանանց և տղամարդկանց հավասար հնարավորությունների և տնտեսական ռեսուրսների հավասար մատչելիության ապահովման հետ կապված իրավիճակի ուսումնասիրությունը», որի արդյունքները հնարավորություն կտան մշակելու սոցիալ-տնտեսական ոլորտի կառուցվածքային վերափոխումների հետ կապված՝ կանանց մրցունակությունը բարձրացնելու, մասնագիտական խորականությունը նվազեցնելու գործընթացում ի հայտ եկած խնդիրների լուծմանն ուղղված առաջարկներ:

Օրակարգի երկրորդ հարցի կապակցությամբ ելույթ ունեցավ ՀՀ առողջապահության նախարարության աշխատակազմի մոր և մանկան առողջության պահպանման մայրական և վերարտադրողական առողջության պահպանման բաժնի պետ Գ.Ավագյանը: Նա ներկայացրեց աշխատանքային խմբի կողմից մշակված և ՀՀ առողջապահության նախարարի 08.05.2015 թվականի թիվ N1129-Ա և ՀՀ աշխատանքի և սոցիալական հարցերի նախարարի 13.05.2015 թվականի թիվ N75-Ա/1 համատեղ հրամանը «Պտղի սեռով պայմանավորված հղիության արհեստական ընդհատումների կանխարգելման ծրագիրը» հաստատելու և «Պտղի սեռով պայմանավորված հղիության արհեստական ընդհատումների կանխարգելման ծրագրի» իրականացման նպատակով աշխատանքային խումբ ստեղծելու մասին»: Գ.Ավագյանը ներկայացրեց վերոհիշյալ ծրագրով 2015 թվականին նախատեսված միջոցառումների ընթացքը, մասնավորապես տեղեկացրեց, որ մշակվել է ծննդօգնության նախաձեռնյան և հիվանդանոցային ծառայություններ մատուցող հաստատություններում հղիներին նախաձեռնյան խորհրդատվություն տրամադրող, սոնոգրաֆիկ հետազոտություն և հղիության արհեստական ընդհատում

իրականացնող բուժաշխատողների վերապատրաստման ձեռնարկը և առաջիկայում կմեկնարկի շուրջ 100 բուժաշխատողների վերապատրաստման դասընթացը: Գ.Ավագյանը տեղեկացրեց նաև, որ ընթացքի մեջ է օրենսդրության վերանայման գործընթացը և մինչև տարվա վերջ կմշակվեն համապատասխան առաջարկներ, ինչպես նաև հույս հայտնեց ՀՀ պետական բյուջեով կանանց վերարտադրողական վարքագծի, հղիության արհեստական ընդհատումների, այդ թվում պտղի սեռով պայմանավորված, տարածվածության և առանձնահատկությունների բացահայտմանն ուղղված հետազոտության իրականացման հնարավորության մասին:

Օրակարգի երրորդ հարցի կապակցությամբ ելույթ ունեցավ «Մարդկային զարգացման միջազգային կենտրոն» վերլուծական կենտրոնի փորձագետ պարոն Վ.Ասատրյանը: Նա հանձնաժողովին ներկայացրեց 2015 թվականի մայիսին մեկնարկած Եվրոպական Միության ֆինանսավորմամբ Մարդկային զարգացման միջազգային կենտրոնի, «Փրկեք երեխաներին» կազմակերպության, Արմավիրի զարգացման կենտրոնի և «Մարտունու կանանց համայնքային խորհուրդ» հասարակական կազմակերպության համատեղ իրականացվող «Պտղի սեռի խտրական ընտրության դեմ պայքարի» ծրագիրը: Նա նշեց, որ երկամյա ծրագիրն ուղղված է հայաստանցիների շրջանում խնդրի վերաբերյալ գիտելիքների, վերաբերմունքի և ընկալումների դրական փոփոխություններին, ինչպես նաև սեռով պայմանավորված աբորտների առնվազն 10 տոկոսով կրճատմանը:

Վերոնշյալ արդյունքներին հասնելու համար ՄԶՄԿ-ն և գործընկեր կառույցները նախատեսում են փոխկապակցված գործողություններ և միջոցառումներ իրականացնել երեք հիմնական ուղղություններով:

Մասնավորապես՝

1. Նախատեսվում է ապահովել պետական կառավարման մարմինների մարզային կառույցներին, ՏԻՄ-երին, քաղաքացիական հասարակության տեղական կազմակերպություններին, համայնքային գործիչներին անհրաժեշտ գիտելիքներով և հմտություններով, ինչպես նաև երեխայի սեռի կանխակալ ընտրության բացասական հետևանքների ամբողջական ընկալմամբ:

2. Նախատեսվում է երեխայի սեռի կանխակալ ընտրության հանդեպ բնակչության շրջանում ձևավորել համապատասխան ընկալումներ և վերաբերմունք:

3. Նախատեսվում է աջակցել երեխայի սեռի կանխակալ ընտրության կանխարգելմանն ուղղված քաղաքականության շրջանակների զարգացմանը:

Ծրագրի միջոցառումները, մասնավորապես ներառում են քաղաքականության վերլուծության և խորհրդատվության, հետազոտությունների, ինստիտուցիոնալ կարողությունների զարգացման, ուսուցման և վերապատրաստման, իրազեկության բարձրացման և շահերի պաշտպանության մի շարք գործողություններ:

Վ.Ասատրյանը ներկայացրեց նաև ծրագրի շրջանակներում կատարված աշխատանքները, կարևորելով «Մարդկային զարգացման միջազգային կենտրոնի» հետ ծրագրի իրականացման նպատակով ՀՀ աշխատանքի և սոցիալական հարցերի և ՀՀ առողջապահության նախարարությունների հետ կնքվելիք եռակողմ հուշագրի և ծրագրի շրջանակներում նախատեսված խորհրդատվական հանձնաժողովի ստեղծման հետ կապված միջոցառումները:

Հանձնաժողովի անդամները հանդես եկան կարծիքներով և մեկնաբանություններով՝ կարևորելով վերոնշյալ ծրագրի շրջանակներում նախատեսվող միջոցառումները:

Հանձնաժողովը որոշեց՝

1. Օրակարգի առաջին հարցի կապակցությամբ՝ ի գիտություն ընդունել Ա.Թանաշյանի հաղորդումը:
2. Օրակարգի երկրորդ հարցի կապակցությամբ՝ ի գիտություն ընդունել Գ.Ավագյանի հաղորդումը:
3. Օրակարգի երրորդ հարցի կապակցությամբ՝ ի գիտություն ընդունել Վ.Ասատրյանի հաղորդումը:
4. Օրակարգի երեք հարցերի, մասնավորապես, իրականացվող ծրագրերի ընթացքի վերաբերյալ տեղեկացնել հանձնաժողովին առաջիկա նիստերի ընթացքում:

Հանձնաժողովի նախագահ՝

Ֆ. Բերիկյան

Հանձնաժողովի քարտուղար՝

Ա.Թանաշյան
/17.06.2015թ./